

09.03 PROFIL

Edith Stecher: «Nagut n'è impussibel, sche ti n'emprovas betg»



Dar protecziun ed ina perspectiva ad uffants cun impediments en l'India – quai è la missiun dad Edith Stecher. Sia organisaziun a Mangalore ha num perquai «Jeevan Jyothi», translata «nova vita». L'India ha regalà ad Edith Stecher ina segunda vita. Grazia ad in'emissiun a la televisiun è ella partida cun 50 onns a Mangalore, ha vis là co che poppins vegnan vendids, co ch'il sistem da castas renda la vita difficila per las classas socialas las pli bassas ed oravant tut, co che uffants cun impediments vegnan negligids. Perquai ha ella decis da restar ed ha accompagna durant ils ultims 25 onns millis d'uffants da la via tras il temp da scola ed ha tgirà tschients d'uffants cun impediments en il center da rehabilitaziun ch'ella ha costruì. Edith Stecher, oriunda da Tarasp en l'Engiadina, raquinta en discurs cun Anna Serarda Campell, co ch'ella ha chattà sia clamada, co ch'ella ha midà vestgì (da la mandura da biro al sari) e tge frasa da ses bab che ha purtà ella tras la vita plain plaschair e confidenza.

Redacziun: Anna Serarda Campell